

永順縣志卷三十四

縣人 文 琴 張 孔 修 編 纂

藝文二

○○金石下

宋

張綸撫諭洞蠻石刻 不詳所在地

案宋史循吏傳載綸知辰州溪峒蠻彭氏內寇徙知渭州蠻復入寇仍為辰澧鼎等州巡檢安撫使諭苗酋禍福搆還所掠民遣官與盟刻石境上夫曰境上雖未明言所在地但此石刻事與彭氏相涉似應在下溪州界內而清人畢本恕辰州府志巴哈布湖南通志均載入沅陵斷屬不確

神宗詔章惇經制蠻事石刻 在明溪口一名紅字碑

案宋史章惇傳載熙寧初王安石秉政悅其才用為編修三司條例官加集賢校理

永順縣志 卷三十四

藝文志 金石

中書檢正時經制南北江羣蠻命為湖南北察訪使提點刑獄趙鼎言峽州羣蠻苦其酋剝刻謀內附辰州布衣張翹亦言南北江羣蠻歸化朝廷遂以事屬惇此刻蓋記其事也考明溪今屬沅陵與永順分界處孔修嘗經過其地道旁石壁竦峙下有磴高約六七尺援篠而上剔蘚讀之見上半截尚係硃書下半截竟漫漶莫辨据通志載所刻者為章惇趙鼎張翹事而唐氏縣志於三人外並言即殿中丞雷簡夫勦撫彭仕義事不免畫蛇添足矣

明

碧花潭石刻 在城東南三十里

案魏式曾府志續編載碧花潭石壁刻碧花潭三字右勒宣德三年與士夫同遊

觀音閣鐘銘 在老司城河對岸閣內

維虛有容厥聲斯洪隨其所扣應之無窮以啓昭昭以覺夢夢晨昏之節永惟茂功
皇明正德二年歲次丁卯季夏月二十四日丙申永順宣慰使思齋彭世麟置并銘

蟠桃菴銅爐詞 在穎砂保菴內龍虎殿前

湖廣永順等處軍民宣慰

使司喜捨七品散官

彭世麟伏爲

勅准龍虎將軍上護前

宣慰使

欽陞湖廣都司都指揮使

長兄彭世麟上同

誥封太夫人母親彭氏竊以

世麟每懷養育之恩

寸無以報及荷提携之德

毫莫能酌敬發微誠創建

永順縣志

卷三十四

藝文志 金石

二

佛閣一壘名曰蟠桃庵施銅

命匠銑造

南無大慈大悲救苦救難靈

感觀世音菩薩一尊合堂

聖像炉瓶永爲侍奉上祈

母壽綿長

兄年永久再祈

勅進正二品驃騎將軍見任

宣慰使彭明輔官星顯

耀仕路亨通凡世麟

眷屬全叨庇佑

正德十六年八月十二日

喜捨七品散官

彭世麟造

案此詞鑄於顆砂蟠桃庵銅爐正面陽文八分書字徑五六分其題名處皆隆起半
分頗韶秀但捨銚炳等字概係俗書語尤鄙俚不足珍貴至座字反書當是冶工之
誤無庸深訾又大磬一口花瓶一對均銚鑄詞畧同其稍異者

磬詞尾題

正德辛巳八月二十二日造提緣信士覃彭鑑張天祚彭俊住持僧妙壽永明

花瓶題年月二照錄於下

正德十一年丙子吉月吉日立

正德十六年八月二十二日造

前書丙子立者不解其故或記修庵年月與外鑄家人姓名五□氏李氏彭明德彭
明仁彭明政茲將爐磬花瓶繪圖如右

永順縣志 卷三十四

藝文志 金石

三

銅 鑪



磬



花 瓶



爽岩崗石刻 在內顆砂保宣慰司治下三里許

案此三字橫書徑六七寸岩字較長筆鋒遒勁末題正德十六年思益書思益武宗
時土舍彭世麟號也

古詩二首 在爽巖洞

古洞爽開處藏春別有天百壺酬勝賞一笑了清緣

偶與仙人遊邀我洞中宿夜久月明孤風吹岩下竹

右五言截句二首前題二川彭飛後題小崖胡靜疑是土司幕賓同時遊此所刻者
松雲潭石刻 在爽巖岡下游顆砂河出口入靈溪正源處

案前清一統志載松雲潭在縣治東北上有醒心亭安壽山房潭上石壁勒松雲潭
三字今求之不可得僅將所見者志於後



成

賓主

來以

此自未成

潭上石壁刻長方形闊八尺許高
約五尺其所鐫文詞聞係土司遊
記字迹模糊僅此數文可辨記右
略高處橫刻東江漁火四字字徑
約三寸許爲八分書筆力瘦硬其
姿勢亦端莊可愛

末題

正德十七年

永順縣志 卷三十四

藝文志

金石

四

伏波宮銅爐 在會溪坪腹大如瓠頂微偃而禿口平圓而旁有環可便提挈重約百觔
其上楷書谿州宣慰使彭明輔敬獻侍奉漢朝伏波將軍



銅鑪模形

白竹山石刻 在內塔臥保

泰山之固磐石之堅子修高隱明道成仙月樓其號萬古千年是何名矣十三洞天

案此刻已採入唐志謂末書純陽子題四字詩中所稱月樓乃宣慰彭世麒子明道
字也明道學道遇呂岳爲之題壁後人刻之其筆勢飛舞居然飄飄欲仙但所謂十
三洞天不能無疑攷唐人杜光庭洞天記十三洞在大圍山周迴三百里名好玄上
之天今爲湖南醴陵縣地據此當是借語非真仙境也

昭勳碑 在舊司城紀宣慰彭宗舜平寧鄉功也

翰林院侍講學士蒲圻廖道南撰
湖廣巡按御史太原張繼書

今上御極十有五祀顯忠遂良剗罵去魑丕昭神武覃彰隆勳時楚寧鄉大瀉山寇戎孽作大中丞東魯翟公瓚馳疏以聞上命若曰咨爾撫臣式茲南土頑民干紀肆罹厥咎爾其總若師往靖母翫寇母黷武母滋匪彝母虐不辜惟大猷是經爾惟欽哉中丞受命再拜稽首以告諸平蠻將軍新寧譚伯綸對曰折衝死綏將帥職也敢不惟命是祇以告諸巡按御史慈谿沈君一定對曰糾紆肅度御史職也敢不惟命是祇以誥諸布政使易侯瓚按察使張侯鉞對曰督餉裕用揚威貞紀方伯憲長職也敢不惟命是祇僉議既諧中丞歎曰嗟乎有苗昏迷不恭厥責在予予其敢弗綏乃謂參議劉恩僉事張素曰汝成事茲土其往撫母後自四月己丑越五月壬戌載諭弗聽中丞又歎曰嗟乎穀乃甲冑鍛乃戈矛厥在汝衆其敢弗躬予不汝宥乃又謂參議恩僉事素曰汝弗贊命予不敢私其往

永順縣志

卷三十四

藝文志 金石

五

督知府李日華等征之母縱自五月癸亥越六月甲申載征弗靖中丞乃又歎曰嗟乎庸蜀羌髡微盧彭濮以夷攻夷振古如茲矧若土兵世秉忠順匪藉茲武曷其能堪乃七月乙卯宣慰使彭宗舜以兵從中丞乃謂副使崔桐僉事王淪曰汝其禁戢母違若令於是都司潘嶼暨僉事素率厥有衆宗舜次於龍山宗舜之族九齡次於龍田越六日己未九齡追至於煙竹岡斬首數百級俘者倍之癸亥宗舜又追至於衡陽之三岡斬首數百級俘者又倍之辛巳寧鄉平中丞歎曰嗟乎殲厥渠魁脅從弗治凡茲有衆其勿孥戮乃謂僉事周在曰紀厥功汝其勿讓是役也獲醜則三百八十有奇獻馘則三百一十有奇俘獲則四百有奇中丞乃又歎曰臣罔以寵利居成功予小子其敢貪天之功乃又馳疏以聞天子嘉之乃崇厥秩以寵異之大將軍則增歲祿御史而下頒賞有差乃謂參政劉侯曰汝其走使內史氏以紀厥實勒諸貞石以垂有永於是內史氏繫之辭

永順宣慰司祠堂碑 在舊司城東門老祠基高六尺七寸寬二尺九寸

皇明萬曆十九年歲次辛亥仲春月吉日

文林郎知四川重慶府江津縣事武陵洞衡陳一能天全甫撰

永順界楚西南隅接壤黔中進制諸夷峒大山窈谷翳林深箐鬱鬱千里蓋雄鎮云案彭氏鎮永順五代以前無論已宋神宗命官經制湖北詔彭氏統州二十語具宋史中我明高皇帝混一中原鼎興之後與遠臣更始迺鑄鐵券給土田錫弓矢敕彭氏都永順至是彭氏仍守封疆赫然爲世臣矣載攷譜牒其先豫章人代傳累葉爲思齋公思齋公歿德軒中軒兩公先後襲爵中軒公歿北江使君請於朝得便宜行司事時倭夷入寇吳越民洶洶不靜先帝用督撫議檄永順徂征使君提兵海上指揮所部平之捷聞荷白金文綺之賜一時當事諸人咸謂祭法曰能捍大患則祀之若使君者謂之有功疆場誰曰不然使君乃孫不言功永韜戈甲潛遁山林日取鐃歌鼓吹以詠太平之盛顧其功竟泯泯哉先是思齋公以用武顯世忠大業足爲諸子孫光乃於曾祖敬齋公厥考正齋公尙未建祠而尸祝之非所以尊祖敬宗也故德軒公謀衷爲合祀令後之奉諱者祔焉會朝廷有征倭採木之役歲復大稷德軒公賈志以歿謀竟不果北江使君尋亦即世乃長君懷北

永順縣志

卷三十四

藝文志 金石

六

亦奄化今彭侯兩懷握篆涖疆土諸廢俱興念祠祀未合春露秋霜之候何以妥列祖之英靈假有廟而伸孝思也爰集衆議期終先志廟貌一新得奉列像祀焉而厥考懷北亦像木合祀用識孝思於不匱其他祭田祭器伏臘奉祀悉定如制祠成百執事宗黨咸來觀禮僉謂此堂先使君志之彭侯成之也顧祠已落成脫無文人記之將何以垂永久因肅幣列狀遣使者致詞曰元錦遐陬孤穉不敢邀惠文人特欲述先志不得不如此不佞重斯義舉詎藉以不文辭爰受簡曰朝廷待開國元勳生則侯封死則廟食所以勸忠也彭氏席累朝榮寵以勳伐起家爲封疆大吏雖不獲侯封而獲世官不獲廟食而獲世祀是朝廷待功臣與國士報主恩兩無負矣抑不佞猶有說焉嘗聞三川之民被髮而野祭孔子深詆之以其俗非古也庚桑楚之處畏壘畏壘之民猶然尸之况堂堂世胄乎夫祠堂之設卽學士大夫家容有廢缺不講者是舉也以仁率親故不忘親以義率祖故不忘祖殆默有合於宗祧大裕之遺意抑不失乎忠臣孝子之至情故後之子孫起而世官者秉朝廷三尺以恪守令甲卽越在外府毋敢失墜由是可以作忠念先人締造以有今日

期睦鄰仁族以結人心由是可以興孝彭氏之血食寧有涯哉噫嘻先使君以忠孝殉國今侯以忠孝承先用以啓佑後人胥義也宜並書勒石以告來世

銅爐銘 在舊司城宣慰彭元錦鑄

桓桓義勇赫赫聲靈河流嶽峙惠我蒸蒸維彼祝融少昊以成雲興風烈永佐佳城
萬曆甲辰歲朱明月吉日衷白主人造

案衷白宣慰彭元錦號也此爐見置關帝廟中已折去三足惟所鑄銘詞無一缺點審其意義係元錦父永年墓前物茲繪圖如後

銅鑪模形



銅鐘銘 在舊司城關帝廟宣慰彭元錦鑄

有序

永順縣志 卷三十四

藝文志 金石

攷之志曰鐘西方之聲以象厥成惟功大者其鐘大垂者為鐘仰者為鼎

萬曆丁亥予掌篆之次歲也夢帝錫予以大刀紅馬予即刻象立殿於將軍山頂書其額曰神武祠又蒙神節降護持酉之役三戰三勝播之役捷音屢奏保之役十一戰十一勝且旦夕賜佑魑魅魍魎莫施陰謀予無蚤子又蒙錫予子嗣因是再立殿於迴龍山之上題其殿為聖英寶殿乃命工範銅鑄鐘鼎一懸於廟左用彰神武而為之銘

洪惟聖帝惟心天日默佑於予魑魎無濟鎮我邊庭時和歲利億萬斯年彭氏永祀

萬曆癸丑歲惠風月吉日

欽賜蟒龍服奉

誥進階驃騎將軍湖廣都司都指揮使前

賜飛魚服奉

勅管永順等處軍民宣慰使司事豫章彭元錦頓首書

宣慰使彭廷機同造

也□□□□□□□□□□旁敷率由向化固樂易於老安少懷卽頑梗愚童罔不寬恤軫
念勞來□直以見刑賞忠厚之至而武健嚴酷銷歸何有政之□□□□□□公優
容並包涵宏拓落固吾圉也而開疆辟壤之謀息佚吾民也而飲馬帶甲之風清因囑臣
僚力勉安貞使妄據□成者感而□□□□□□存乎睦鄰也如此且崇儉易
奢□物力於有餘而不以度支擾民臺欵沼竭視遊觀爲可輟而不以功作厲下輔弱全
孤□□□□□□介意凡此類皆本其天真以光昭治體積數十年如一日而無或敦焉
者余承乏內院在食心儀匪朝伊夕旣而江西文子□□□□□□京師備述其詳謂彭
侯之深仁厚澤非獨土著編民一世二世洽肌淪髓我異鄉遊族市廛逐末寤寐飲食之
私口不能得□□嗣君錫寵佑啓咸正保艾維新林泉詩酒之樂眉壽期頤之介公實享
之我寧忘覘首之已事□□□□□□耶願假惠於文人銘諸金石□□□□□□母斯
民之下取古循良以篤官箴以答聖眷因歎楚南長者震疊懷柔風之有位世臣矣宜乎
聲教四訖遐邇戴德也哉

永順縣志

卷三十四

藝文志 金石

九

鐵香筒 在顆砂蟠桃菴上刻隆武二年九月十九日造

案隆武係明末唐王聿鍵年號聿鍵於清順治二年乙酉六月稱監國於福州改此
明年八月敗歿冬十一月桂王由榔始立於肇慶年號永曆嗣唐王聿鏞亦立於廣
州年號紹武是刻爲九月十九日明實無君也胡爲不書順治而必戀戀於故主蓋
隆武凶耗尙未聞知新朝正朔尙未頒到耳

香筒模形



清

宣慰彭弘海德政碑 在舊司城高八尺二寸寬三尺六寸座高一尺二寸

案碑面正中一行篆書銜名餘均楷書碑陰書各官各首領姓名

欽命世鎮湖廣永順等處宣慰使司宣慰使都督府致仕恩爵主爺德政碑

己卯科舉人天門年家眷晚生朱鴻飛萬瞻拜撰

康熙五十二年十一月

嘗聞恩可結民心不能使民心之不忘功可顯當世不能使後世之取法苟能如是矣而能得之於民尤難而能得之於天與數者求之往古亦不多遺况斯世乎使君中涵彭公致仕之明年余過靈谿適有承轡之五十八旗三百八十洞軍民扶老攜幼蟻集司城向余告曰吾永建自五季爲朝廷南服世臣迄於今幾千載其間執圭守土代不乏人咸以苗蠻之故用法嚴峻服民以威不以德也是以治亂相尋無息肩日自我恩爵主嗣世天性仁厚舉無失軌去猛存寬用賢遠佞易殺戮爲鞭扑而犴陛形消開入告以聽民而覆盆無枉慮民之荒於業也而自勤稼穡恐俗之流於頑也而時申孝悌節用以卹民膏輕賦而蘇物力崇儉抑奢弋緹之袍不厭修文偃武刁斗之警無聞和鄰而睚眦之邊釁自

永順縣志

卷三十四

藝文志 金石

十

彌樂天而虞芮之質成屢至凡舉措施舍皆以養民守土爲事以故寬仁鎮靜之恩生息庶富甲於諸司四十年徒見祥風化日皆其賜也民詎敢忘又若自措軍糈三次懾苗於鎮尊親隨王師身先開闢於辰龍聞興殿工採木以貢諸如此類難於枚數雖興師動衆民不知勞皆由撫綏之得其法也故功在朝廷德留疆土足以垂法於後世者民詎敢忘今恩爵主以民社之重授之新使君而率由舊章孰非奉訓有自哉故謝事雖已一載而恩德自在千秋詠歌感歎有難忘民心者敢乞文人之筆勒諸金石以志民心之不忘庶其可乎余既諾之退而有深思焉夫楚之南北列茅土者比比余嘗挾策而遊殆有年矣有一至者焉而往過之則非舊矣有再至三至者焉又往過之則非舊矣問其故則曰刑之不措而民不堪命也苛政無時而戶口逃亡也好兵仇鄰而宗社不守也貽謀不善而令緒無聞也若然者恩未及民何有乎去思功無可紀何有乎取法其在人者尙不可得况望得之天耶若使君真不啻天壤矣德既若此功復若彼無怪乎閭司黎庶愛戴之深依戀之切有若赤子之於父母故於馳驅綠野之日猶不忘邵伯之甘棠非所謂結民心

而不忘者耶顯當時而法後世者耶况使君晚得後嗣侔乎荀龍之數而新使君徽猷邁德行將羽儀天朝是又後先濟美世不多有者皆使君盛德所致豈非得之於人者復得之於天耶然則是碑也不獨為軍民依戀不忘之誠抑又風諸有土者奉為典型母有失度得以永守世業使君之豐功盛德其有涯與余樂此盛舉不敢以不文辭爰拜首而為之記

標員中軍官向華

副中軍王啓忠

家政彭芳

支應彭應祖

旗長陳廷謨

撰文魏先修

書碑魏國佐

州司南渭州彭啓堯

施溶州田應朝

上溪州張宗文

臘惹洞向宗國

麥着黃洞黃朝勛

驢遲洞向鼎鉉

施溶洞汪澤長

永順縣志

卷三十四

藝文志

金石

十一

白岩洞張宗略

田家洞田萬勝

馬羅洞田暹

馬羅洞署事田善繼

熱楮鐵鐵鑪

在顆砂蟠桃庵宣慰彭肇槐獻

大清雍正四年歲在丙午

信官彭肇槐供奉

蟠桃庵

佛前


冶氏

靖州綏寧縣

黃月明父子

四人造

鐵鑪模形



斗泉 在城西北五十里青峯聳碧清流疊湧石上勒此二字

李氏縣志

案清一統志誤作在城北五十里石上有古刻十泉二字後世考古家如湖南通志

湖南掌故備考事類統編諸書皆誤作十泉

石刻劍南石芝五言律詩 在王村劍潭南石壁

嶺外靈根結天然產石芝九莖符鳳腦三秀薦仙肌雨溼苔仍護風高葉不垂劍南留勝

蹟玉露藉培滋

李拔題

黃氏二子殉節詩 在文昌門外洗心池右數十武

奮志從軍膽氣豪拚將碧血染征袍一門忠孝成雙烈千古湘流湧怒濤

案此刻前鐫已未冬予偶游永順與素菴先生為把臂交因出其兩哲嗣仙源志齋

先後殉節詩傳索詩於予乃不揣固陋勉賦一絕以弔之勒於觀音岩以為忠孝不

朽云爾後鐫吳門沈□煜霽岩氏書

不二門石刻 在文昌門外三里許

大字

作仙源觀

洞天福地

煙霞關闔

神秀獨鍾

永順縣志

卷三十四

藝文志 金石

十一

吾道南來

白雲門開

砥柱中流

其機如此

小洞天

子供送

忠孝

眼前南海

嘉慶口口

百寶騰光

道光口口

別有天地

道光二年 秦廷杰

明陰洞陽

道光口口 鄧爾恆

普陀法相

道光已亥 楊鎮源

海上飛來

道光已亥

中有慈航

道光己亥 陳錫麟

瞻奇仰異

道光甲辰 韋偉人

別開生面

咸豐口口

慈光普照

同治口年 廖長明

曇花一現

同治五年 知府周彝

覺路宏開

同治九年

勝境無雙

同治癸酉 黃卓雲

波羅揭諦

同治癸酉 劉繩祖

大千世界

同治癸酉 柳萬春

到此人皆佛

同來我亦仙

光緒癸巳 景元孫

觀音巖八景詩 在不二門

石門天鑿

法門高矗五雲隈鬼斧神工妙化裁鞭石無痕還着相振山有鐸不須鎚地沾花雨千歧

坦道接薪傳一綫開莫訝終南稱捷徑巨靈神劈小蓬萊

玉嶂屏環

突兀金蓮面面峯屏開十二玉芙蓉青圍佛頂嵐光淨翠繞琳宮霽色重摺去漫教黃鶴

化展來常倩白雲封於焉知是真如地恍向廬山認舊蹤

澄潭月影

寶鏡奩開白水東澄鮮如練瀉清空影搖貝闕潛蛟舞光射珠宮夕照紅遮莫禪心同皎
潔洵知慧照自淵冲樹移濃綠歸來晚鞦韆聲傳查靄中

古洞仙蹤

跨鯉先生去不回長留遺蹟在山隈雲迷洞口花餘影煙鎖峯齊屐印苔歲月如流人自
老丹臺無恙我重來相逢盡是三生客坐石聯吟亦快哉

溫泉煙暖

卓錫何年記上方暄波煙暖玉泉鄉花迷銅浦能療疾露浥鉛溪可洗腸一滴綠澄留法
界半瓶紅冷藉慈航搜奇豈與窮山棄踏破青莎興未央

淨池心清

又逐飛花過斷啤一泓淨水漲春陂引來曲曲灣灣水瀉出溶溶灑灑池澡德咸瞻新氣

永順縣志

卷三十四

藝文志 金石

十三

象洗心還認舊鬚眉鞋香楚地看無厭功德源頭繫我思

層閣聳翠

傑閣橫空枕碧流膜煙藹藹翠華浮平分水月疑無地亂墜天花別有洲下界紅塵飛不
到十方淨土影長留凌雲直擬三天竺拾級同登白玉樓

松徑留雲

松陰夾路影蔥蘢踏破煙嵐下碧峯繞幹奇香堪引麝拂枝化雨欲成龍時聞爽籟隨風
去猶見愁雲映日封說與山靈勤保護再來重訪歲寒容

嘉慶己卯菊月既望知永順府事長白介菴福順題

觀音巖題壁 在不二門

萬竹窅然暝一門訝忽開夏寒森欲雨空響殷疑雷峭壁嵌新翠流泉咽古哀招攜得佳
侶從此出塵埃

湖南督學使者張金鏞題

題觀音巖 在不二門

陳秉鈞

蕭寺遙連郭外村靈巒常秀水常溫地藏幽壑疑仙境天假懸巖壯佛門鳥道低穿猶有
路神工巧鑿更無痕我來瞻望徘徊久欲罄吟懷日又昏

七絕 光緒丙午 在不二門

辰永沅靖
兵備道 朱益濬

十載重遊不二門岩前猶認舊窪尊溪山無恙人垂老獨有雲根萬古存

觀音巖廟後石刻

呼吸通天

道光戊戌夏知府
長白石泉穆清題

萬古長春

道光十一年冬
月長白尙安

五言古詩 在觀音巖廟後

城居厭喧囂遐意託幽林慨茲百役勞憂思每難任佳日適南郭春嵐暉遙岑萬山鬱合
沓松石契披尋岩扃支禪寮下臨碧澗深蒼壁森虬篆荒雲流古今精室聞妙香虛明生
道心山禽鳴更飛風篁答清吟歡容屏物擾長日弄瑤琴末題晚秋居士

永順縣志 卷三十四

藝文志 金石

十四

